

近代外禍史

資料

五子署



上冊

柳序

友人河英輯近代外編史上起雅
片戰爭下逮洪憲國恥淪如干卷爲
舟首之文循誦終鞠慨焉三嘆嘆夫鬼
謀轉社小則延憤累降幾血洒秦軍
大布衣獻治孤憤所謂復霜之德寒於
堅冰將基之華慘於槁木固宜河決不可
後壅急燭不可復全焉今者數岳啓聖
物難興邦餘哀共濟扁堂辭蜀雄之

事散休同仇時時威命之遠庶幾繁
年于以長鑒與銘銳為京觀歟天運徧
懷無往不復中其金鑑之作名山石室
之藏匪弄人任願子滿筆日侯僕亦當
執而而隨其後也是為叙

五子
談



編例

一 近百年來，中國最爲多難。鴉片戰爭以後，卽繼之以英法聯軍開關之役。嗣後又有甲申中法戰爭，甲午中日戰爭，庚子八國聯軍，日俄東三省之戰。民國以還，各國與中國之關係，雖漸趨友善，而中日間之糾紛，則有加無已。卒至引起神聖之抗戰。今者抗戰勝利，恥辱悉告滄雪，河山重整，薄海騰歡。惟外禍仍未全消，黠武主義者仍謀掩土重。懲前毖後，深多難興邦之訓，吾人實有重溫昔日外禍歷史之必要。

二 在此諸多國難之中，典籍載記，無慮萬千，雖以年深月久，大都散佚，欲加搜集，殊非易事。間有存者，或以當時多所顧慮，未能暢所欲言，或以道途傳聞，每多失實，欲求可稱極是難能。故輯印此項散佚冊子，以資借鑒，在抗戰勝利之今日，實有其特殊意義。

三 故編者就所藏百年史籍之中，選其十種，付諸排印。計自鴉片戰役，以至五九國恥，諸凡重大國難，各得一二軼，而以中日關係，作爲重心。此類冊籍，在當時流傳甚少，爲一般載籍中所極難見到者。

四 全書凡十種，六十萬言。題爲「近代外禍史」，「符其實也。惟內容或由作者觀點關係，論議有失精當，或以範圍旁及外禍以外，與本書內容不符，以及枝節泛語，編者不得不加以刪削，尙祈讀者諒之。」

編者 一九四六年十月

近代外禍史(上冊)目次

柳亞子先生序

編例

編者(一一三)

中祕日錄

無名氏著(一一七)

越事備考案略

劉名譽著(九一二)

關外隨營筆述

(八〇一—八〇六)

張制軍奏疏

(九七一—一〇〇四)

王方伯上左侯相書

(一〇五一—一二三)

劉省帥奏疏

(一二三一—一二五)

何船政奏疏

(一二六一—一二八)

張會辦奏疏

(一二九—一三三)

會劫候照會·····	(一三一—三四)
劉軍門警師文·····	(二五—二七)
劉軍門約戰文·····	(二八—二九)
法會寄劉軍門詞·····	(二九—三〇)
劉軍門覆法會檄·····	(三〇—三一)
摘新聞報六則·····	(三一—三四)
照錄與法國巴使會議改定條款·····	(三五—三六)
諫止中東和議奏疏·····	無名氏輯 三四—三五
翰林院侍讀學士文廷式等跪奏·····	(四三—四四)
安侍御奏疏·····	(四四—四六)
江督力爭和議電奏一·····	(四九—五〇)
江督力爭和議電奏二·····	(五一—五二)
劉彝等諫止和議奏·····	(五三—五五)

易順鼎劾權奸譟國奏……………(五九—六九)

易順鼎敬陳戰事六條疏……………(七〇—七四)

張羅澄上李鴻章書……………(七五—七七)

長洲江文瀾上常熟翁叔平計相書……………(七八—八四)

康祖詒等六零四人公車上書……………(八五—九五)

冤海述聞……………無名氏撰(三七一—四四〇)

牙山戰事記實……………(三八—四三)

大東溝戰事記實……………(四四—五五)

方管帶駐韓日記並條陳防倭事宜……………(五六—五九)

中
祕
日
錄

無名氏著

中秘日錄

廷寄。夷船起旋南旋。必由山東海洋經過。著托渾布派員偵探船隻數目情形。由驛馳奏。仍謹守要隘。毋稍疎懈。

九月庚寅諭。前因鴉片烟流毒海內。特派林則徐辦理。內而奸民犯法。不能淨盡。外而興販來源。並未斷絕。甚至嘆夷船隻沿海游奕。紛紛徵調。糜餉勞師。此皆林則徐等辦理不善所致。林則徐鄧廷楨交部分別嚴加議處。林則徐即來京聽議。兩廣總督琦善署理。此次嘆夷各處投稟訴冤。朕洞悉各情。斷不爲其所動。惟該督等以特派會辦大員辦理。終無實濟。轉致別生事端。誤國病民。莫此爲甚。是以特加懲處。並非因該夷稟訴遽予嚴議也。

辛卯。山東撫托渾布奏。夷船八隻先後南旋。並有小船駛入內洋。呈遞字條。求買食物。語極恭順。經委員帶同曉夷語之廣東人鮑鵬赴該夷船。見夷人義律馬禮遜等。言斷不敢在途滋擾。已先撥船三隻回國。阻止續糾。並雅喇國兵船四十隻等語。廷寄。著將前調防守官兵酌量撤退。又廷寄。飛示耆英裕謙怡良。將前調防守官兵。分別留撤。妥爲辦理。

鄧廷楨奏。守備陳景嵐管帶募勇八百名。改道由旱路赴浙。廷寄。如果接有浙省毋需調遣之信。卽由陸路撤回。

伊里布奏。夷船駛入餘姚縣境。府縣督兵勇擊沉夷舟。獲夷匪二十餘名。解營研訊。廷寄。著妥爲收管。俟有商船赴粵之便。解赴廣東交琦善辦理。

乙未諭。林則徐。鄧廷楨均照部議革職。林則徐著折回。鄧廷楨亦速赴廣東。以備查問差委。

丁酉。伊里布奏。提訊聞吉祥布定邦堅供。在夷船服役。不知喚夷來浙滋事。黑夷馬默加海金。海馬拉直胡林溫咁六名俱呀喇國人。在船服役。並非兵丁。亦不知來浙情由。現仍監禁。定海居民四散逃避。各縣及郡城俱妥爲安插。並無失所。又八月二十二日。鄞縣丁役在定海屬之青林嶼。瞭見白夷一名。手執銅規紙筆。在山上測繪地圖。又有黑夷數名擁護。當與兵勇掩獲。並截擊黑夷一名。當將白夷解郡。訊係晏士喇喇咁。喚咭喇正埠人。官居急頓甲化沙。本年隨伯麥等統兵來浙。其前伏冥誅之頭目名急頓烏冷壁。乃該國二號頭目。如中國副將之類。因該夷甚狡黠。尙須細鞫。又八月十四等日。鎮海縣營先後拏獲漢奸郁秀慶。虞國楨。及黑夷罵刺嘩哩突洽共四名。奉廷寄。曰黑夷著暫收管。覓便解交琦善訊辦。至漢奸滋事甚屬可惡。著查查駁詰。務使供皆確鑿。據實

奏聞。

二十一年二月己巳。廷寄裕謙。從前該夷攻陷定海時。死難弁兵。並在餘姚。慈谿等處擒獲夷匪。出力各員。確查具奏。候朕施恩。

己亥。伊里布奏。八月二十日。慈谿縣觀海衛洋面。有五桅夷船一隻停泊。其杉板二隻。駛至岸旁。夷衆蜂擁登岸。知府鄧廷彩等督兵勇截斃夷匪七人。生擒白夷四名。五桅夷船應援不及。轉舵西駛。至餘姚縣利濟塘。知縣汪仲洋誘入塘邊軟沙。愈陷愈深。生擒夷匪二十二名。獲銅礮二門。餘夷匪跳至杉板。竄入上虞瀝海衛。和縣龍澤澗等處。復獲夷匪四名。夷婦一口。提訊餘姚所獲。噍啞喇在噶圖官職較大。係屬頭目。餘係弁兵。二人水手。並請酌保出力各員。硃批。豺狼之性。豈肯甘心受虧。如有周章棘手之處。朕有所問矣。

伊里布又奏。奉諭以該夷在天津稟訴。卽起旋赴粵。聽候查辦。是其俯首貼耳。已有嚮化之忱。硃批。甚合機宜。不負任使。可嘉之至。浙省更不宜輕於攻擊。致誤事機。現飭各員不得輒施槍礮。亦不得稍懈防閑。並許以果能交還定海。撤退兵船。當仰乞恩施。將晏士喇喇打厘。及甯波餘姚等府縣擒獲男婦二十餘名。概行省釋。卽通商一節。亦可代爲籲懇。並據夷目辛好士投具回文。欲

先將夷婦釋放。其交地退兵。俟該國水手師提督回日。再行具覆。廷寄該大臣。惟當剴切曉諭。告以爾等之來。原爲訴冤乞恩。前在定海。係因言語不通。以致互相攻擊。此次我兵擒獲該夷官兵多人。亦係因該夷先放槍礮。現仍仰體大皇帝中外一體之意。爾等果能迅速退兵。交還定海。定將歷次所獲男婦。尅日釋放。天朝誠信待人。斷無欺誑之理。該大臣如此曉諭。一面將擒獲夷人。妥爲收管。一面派人分頭偵探。如果該夷確係退兵交地。始可全數交還。其前次收管日黑夷。毋庸解赴廣東。此次出力員弁。暫爲存記。聽候諭旨。又諭。倭夷前在浙江投遞字帖。烏爾恭額不將原書呈奏。致該夷船駛往各處。紛紛投訴。實屬昏瞶謬妄。致誤機宜。著拏問解京。交刑部訊明治罪。

己巳。林則徐奏。擊退夷船。又片奏。咪喇哩佛喇西等國。因倭夷阻其貿易。憤憤不平。欲遣船前來與之講理。廷寄著琦善抵粵後。查實具奏。再本年夏間。聞有倭咭喇國王。給林則徐文書之事。伊業經銷燬。一併查明覆奏。

伊里布奏。懿律等四次請釋晏士喇喇打里義律馬禮遜復叩關求見。先稱上年在粵受屈。繼請將晏士喇喇打里釋回。其歸地一節。稱俟釋回日。另行商辦。經反覆曉諭。令其回與懿律相商。初八日復接懿律來文。稱伊已將仍據定海之言。向琦善照會。該夷狡猾異常。多方要挾。儻曲徇其請。

必更肆驕妄。若拘留不遣。持其所急。使該夷爲我所制。似於大局不爲無裨。硃批。以現在情形而論。所辦尙是。總上不傷國體。下不開邊釁。一切機宜。朕難豫示。全在卿隨時審度。妥慎爲之。以副信重委任之意。

戊申。裕謙奏。八月三十日。崇明縣之長安沙洋面。有舢板船夷匪登岸搶掠牲畜。經防堵員弁抵禦。擊斃夷匪四名。獲舢板船一隻。夷槍夷刀夷鞋等件報聞。硃批。必是購覓食物淡水而至。亦必是我兵先開槍礮。由來招衅興戎。汝輩有以誤之也。

庚戌。伊里布奏。續接夷書。稱父還定海一事。應連別事與琦善會議。又詢琦善是否來浙。查該夷在天津雖有撤兵一半之說。而起旋卽已更易其詞。是欲佔踞定海。肆無厭之求。且撤兵一半。則沿海防兵不能全撤。經費仍不能免。今該夷屢次求釋。欲乘此令其全退兵船。交還定海。可以及早竣事。現給回文。示以各夷解粵之諭。並令其交還定海。如竟能歸地退兵。懇恩將該夷釋放。倘冥頑不靈。或止撤兵一半。自當遵旨解粵。又奏。林則徐所請兵勇扮爲鄉民。詐稱回與同住。約期舉事。少則力不能敵。多則彼必見疑。窒礙難行。應毋庸議。夷船現止占踞定海。藉肆要求。非有滋擾之志。浙省只宜防守。不宜攻剿。閩省水勇可毋庸調撥。已飭令由陸折回。協防各兵勇仍陸續撤退。以節糜

費。廷寄著悉心籌畫，務臻妥善。

甲寅，伊里布奏十八日續接夷書，並不言交還定海及各夷釋放之事，止詢浙省曾否蒙皇上飭令戢兵。現將八月二十九日所奉，不得向該夷攻擊，諭旨明白宣示，令安心赴粵。廷寄著察看情形，相機妥辦，並諭以琦善奉旨前赴廣東，總宜剴切開導，去其驚疑，令其退出定海，前往廣東聽候琦善查辦，仍妥爲布置，防其狡詐，諒該大臣必能仰體朕心也。

乙卯，鄧廷楨與文鎔奏籌撥閩省藩庫鹽道庫正款銀十五萬兩，以應軍需，得旨閩省爲海疆重地，原不因喫船往來遊奕，始行防守。至喫夷佔據定海，因前撫臣未受該夷訴冤呈詞，激成事端，現只困守，並未四出滋擾。鄧廷楨等所稱腹背受敵，未知所受何敵。該夷赴津投遞呈詞，頗覺恭順，現特派大臣赴粵查辦，不日即可戢兵。鄧廷楨等所稱該夷猖獗，不知在何處猖獗。總因該革員種種辦理不善，遂費周章。著吳文鎔將本省弁兵照常認真訓練，堅守海口，所需錢糧著斟酌籌畫，戕汰浮糜，其應用款項隨時奏聞。

丙辰，戶科給事中萬啓心奏各省守備皆宜緩撤，防堵官兵亦有微勞，宜加獎勵，以勸後來。風聞該夷訴求烟價，其中原有許給烟價，商人欲該夷先繳數十百箱，爲搪塞計，嗣呈繳太多，遂置不